



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Quartum

González Téllez, Emanuel

Francofurti Ad Moenum, 1690

Caput V. Idem (a) Panormitano Archiepiscopo.

[urn:nbn:de:hbz:466:1-74533](#)

quod in eo textu dicitur, eam simplicibus verbis fuisse despousatan: deinde quia dicitur, quod pater jam decreverat despousare, quare illa tantum erat sponsa defensione, ex qua impedimentum publicæ honestatis non nascitur, quia, ut suprà dixi, valde differt destinata ab sponsa. Quod verò Pontifex addit, solam copulam inducere propinquitatem faciendo unam carnem, hoc adjectit, ut ostenderet, inter eos nec fuisse impedimentum publicæ honestatis sponsalibus non contractis, nec copulam: & ideo nullum esse impedimentum, nec affinitatis, nec publicæ honestatis. Nec obstat argumentum difficultatis deductum ex d. cap. 2. hoc titul. in 1. collect. nam in eo non negat Alex. III. ex ma-

trimonio rato non dari impedimentum publicæ honestatis, sed tantum non oriri affinitatem, ut quidam veteres docebant, quos sequuti fuerunt Alexander de Návo in cap. sponsam, hoc titulum. 6. Henriquez in summa lib. 12. de matrim. cap. 10. num. 1. Bellarminus de matrim. lib. 1. cap. 24. ad finem. Et licet non propriam, saltem iniciativam oriri affinitatem docuit Ledesma de matrim. q. 55. art. 1. diffic. 2. Unde cum ambigeretur, an ob affinitatem prohiberetur matrimonium cum sorore uxoris matrimonio ductæ, et si non cognita, Alex. III. ait non prohiberi: non tamen negavit ex alio capite, videlicet ob impedimentum publicæ honestatis, prohiberi, de quo cùm non consuleretur, non respondit.

C A P U T V.

Idem (a) Panormitano Archiepiscopo.

DE illis autem, qui præstito juramento promittunt, se aliquas mulieres ducturos, & postea eis incognitis dimittunt terram, & se ad partes alias transferunt, hoc tuæ discretioni volumus innotescere, quod liberum erit mulieribus ipsis, ni non est amplius in facto processum, ad alia se vota transferre, receptâ tamen de perjurio pœnitentiâ, si per eas non steterit quominus matrimonium consummaretur. Si (b) verò aliquis sub hujusmodi verbis juramentum alicui mulieri præstiterit: Ego te in uxorem accipiam, si tantum mihi donaveris; reus perjurii non habebitur, si eam nolentem sibi solvere, quod juramento sibi petuit dari, non acceperit in uxorem; nisi consensus de præsenti, aut carnis sit inter eos commixtio subsecuta.

N O T A E.

1. (a) **P**anormit. Ita etiam legitur in 1. collect. sub hoc titul. cap. 4. & post Concil. Lateran. p. 6. cap. 12. id est Hugoni Archiepiscopo Panormit. cui etiam rescribit Alex. III. in cap. super eo, de usur. cap. in Archiepiscopatu, de raptor. de quo plura refert D. Rochus Pyrro tom. 1. Sicilia, in notitia Ecclesiæ Panormit. fol. 119. & nos de Ecclesia Panormit. egimus in cap. 4. de elec.
2. (b) **S**e verò aliq. us. Hac verba reperiuntur in c. 3. de condit. appos. & hujus textus meminit Urbanus III. in cap. 4. cod. titul.

C O M M E N T A R I U M.

3. **I**ntr. alios modos, quibus sponsalia dissoluntur, quos referunt Costanus de spons. fol. 34. Borel. tom. 3. decisi. tit. 1. num. 370. enumeratur diuturna absentia sponsi, l. 2. C. de sponsal. l. 2. C. de repudiis: probant Cujac. hic, & ad titul. C. de sponsal. Petrus Gregor. in præsenti, & lib. 3. partit. titul. 20. cap. final. & lib. 8. syntagma. cap. 2. Canisius hic, Basilius lib. 12. de matrim. cap. 15. Gutierrez eodem tract. cap. 30. Castro Palao disput. 1. de sponsalibus, punct. 23. Gibalitus tom. 2. de univers. negot. lib. 4. cap. 1. art. 5. consecl. 3. Quod tamen dicatur tempus legitimum ut sponsa, qui mansit in eodem loco, possit cum alio nuptias contrahere, non facile apud Doctores liquet: alii enim afferunt, biennium exigunt, ex l. 2. C. de sponsalibus: alii triennium, ex l. 2. C. de repudiis:
- alii quadriennium, ex cap. sicut ex litteris, 22. hoc titul. alii docent cum Gajo in l. sepe, ff. de spons. sàpe justas, & necessarias causas laboriri, ex quibus non solum per annum, biennium, sed etiam per triennium, quadriennium, & ulterius trahuntur sponsalia, veluti ex valetudine sponsi, sponsive, aut morte parentum, aut ex capitalibus inimiciis, vel longioribus peregrinationibus, quæ ex necessitate sunt: qui textus cum aucto-rem præferat Gajum ad legem Jul. & Pap. intelli-gendus est juxta ipsam legem, qua ita caveba-tur: *Quicumque sponsam habebit ultra biennium, sponsam eam non habeto: qui ultra biennium ha-buerit, maritorum premiis ne fruitor. Cujus capi-tis legis Jul. meminerunt Suet. in Oœl. cap. 54. Dio lib. 54. Zonaras tom. 2. noravit Gothofr. ad eand. legem, cap. 3. qui post Cujac. lib. 16. obs. cap. 35. emendare intendit textum in d. l. sepe, & in legi-bus Longobard. lib. 2. tituli de sponsal. l. 1. permit-titur parentibus sponsæ alii liberè eam conju-nere, si post biennum ab sponsalibus monitus sponsus, ut tollat sponsam intra certum tem-pus, dittulerit tollere. Illud tamen certum est, quod si certum tempus adjectum sit sponsali-bus, & eo elapsò sponsus sine justa causa ab-fuerit, sponsa poterit cum alio matrimonium contrahere; quia tunc dies adiectus interpellat pro homine, & sponsum in mora constituit, l. ma-gnam, C. de contrah. stipul. si autem nullum tem-pus certum adiectum fuit, relinqui omnino ar-bitrio judicis, per quod tempus sponsa expecta-re tencatur sponsum.*

C A P U T